

近代中國史料叢刊續編第十七輯
沈雲龍主編

汪漢溪先生哀輓錄

汪伯奇輯

文海出版社

有限公司

印行

汪漢溪先生哀輓錄

馮善文書



汪漢溪先生哀輓錄

目次

惠賜各款文詞以頒到先後爲次

序言

遺像

像贊

傳

誄詞

哀詞

祭文

紀念文

目次

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



輓詩

輓聯

幃額

奠


祭

遺著

序言

自諛墓之文盛行。爲世詬病。而哀輓之詞。人尤視爲應酬文字。無關宏旨。其佳者亦不過雕蟲小技。幾同自鄮無譏。然則哀輓錄之輯。又奚取焉。雖然。此非可一概論也。凡人之存歿。其足以傾動社會者。必有其所以感人者在。至舉社會衆多之人而哀之。輓之。則尤非感人之深且廣者不能。此詎可以金帛市者。錄而存之。俾世之覽者。得窺見其人立身處事待人接物之梗概。非特人子道揚先歿之義。抑亦治方聞者所不廢也。且汪君此錄。其哀詞紀念文與遺箴中。述其治報叢詳。尤爲君一生精神事業之結晶品。直可作報界名人小史觀。又豈如尋常哀輓錄。僅以文辭之美供人歎賞已哉。表甥伯奇仲章昆仲屬爲之序。余喜其能繼志述事。而所謂道揚先歿者尙將不盡於是。故不辭而序之。因念昔表弟姚君伯欣之歿。余嘗序其哀輓錄。姚汪二君。與余皆同學。又有姻連。且共事新聞報館多年。今復序汪君此錄。傷今懷舊。益不勝人琴之感已。

民國十六年冬月張在新序




像贊

漢溪先生 像讚

平陽巨族派衍婺源精神奕奕氣度溫溫宅心厚道品重行敦急公好義不尙空論斐聲報界炎
炎大言二十六載事不憚煩慚予小子始窺籬樊誘掖獎勸爲雪覆盆甫除三害道統一尊何圖
秋至遽賦招魂追維往昔辜負深恩敬瞻遺像涕淚潛吞

養源馮振拜題



汪漢溪君傳

君諱龍標原籍皖之婺源僑居於滬三世矣幼岐嶷讀書有得輒欣然忘寢饋弱冠補博士弟子員敦品勵行崇尚氣節旋納粟入官歷供要差曾攝篆宜興無錫等縣愛民勤政有古循吏風且長於折獄上峯頗重之會因病解組歸念人生貴自樹立當建一不朽之業以超邁前古昭垂後世若終其身浮沉宦海天下奚貴多一食粟之人爲乃毅然有敝屣富貴不復現宰官身之想先是君嘗肄業滬上梅溪書院爲張宏毅先生所器宏毅先生辦南洋公學以綜理庶務事委君調度得宜矧不苟見賞於總教福開森先生令總理新聞報館君爰於從政之日遙領館務隨時指示機宜至是遂決意永棄仕途致力報界以啟滄民智代表輿論釐訂章法匡救時艱爲己任故宗旨和平記載翔實議論穩健褒貶切當得成一組織完善之報紙且始終主持經濟獨立百折不撓以是尤能無偏無黨卓然獨樹一幟爲當世所共仰如是者二十六載新聞報風行遐邇日銷十二萬有奇竟得與泰西諸報相頡頏微君筆畫有方曷克至此然君殫精竭慮遇事不遺餘力畢生心血蓋已半耗於斯致患用腦過度心臟受損之症甲子孟冬疾革溘然竟歸道山惜

哉君有丈夫子二長琦字伯奇克紹箕裘足以竟君未竟之志次璋字仲韋學貫中西異日亦決非池中物可謂文臺有子足慰故人余之獲與君識在戊戌年秋時忝總新聞報筆政故得朝夕聚晤目覩嘉謨碩畫者三載餘後雖分道揚鑣余別有所事第意氣相孚往還無間積年既久得以稔君生平行誼甚詳用特爲之作傳舉犖犖大者以傳之至於君天性純孝今太夫人猶在堂不能盡菽水之奉抱痛九原君篤於友于之誼臨終不忍棄介弟又待人肫摯能急人之急古道照人熱心公益事業爲社會謀福利盡力梓鄉各事旅滬皖人罔不引重是則君私德之美足令當世奉爲楷模人人稱道勿衰無事辭費者也

中華民國十三年歲甲子十一月海上漱石生孫玉聲拜撰

汪漢溪先生傳

先生諱龍標字漢溪安徽婺源縣人年弱冠補博士弟子員清光緒十九年循例納貢以縣佐指分江蘇候補二十四年奉委代理金山縣衛城司巡檢任事僅數月輿論翕然先生故肄業梅溪書院爲張宏毅先生高弟宏毅先生辦南洋公學時先生綜理庶務深見器重時福開森博士爲

洋文總教知其才及接辦新聞報館遂延爲總理二十七年任順直滬局振捐案內核獎以知縣仍指江蘇分缺儘先補用迭奉委解鎮邊京餉及冬漕海運滬局等差三十二年奉湖廣總督張文襄公之洞札委駐滬坐探四月晉京引見分發原省嗣是歷任要差如辦理順直豫晉魯諸省振捐海運滬局提調冬漕車運錫局提調一以勤慎從公爲上峰所器重三十三年六月蘇撫陳啟泰委任蘇州商務工程局兼馬路警察正巡官釐訂局章分科辦事一歲中訊結案件一千餘起上級衙門委審重案數十起尤注意烟禁蘇州日租界擬援上海租界例任民賃屋開設烟館先生迭與日領事嚴重交涉乃止又日租界設有宰牛廠奸民貪利競盜耕牛以售諸廠農民苦之乃一再與日領事磋商派員至廠監查遇有盜來牛隻即以人贓解局訊辦盜牛之風遂息時滬甯鐵路告成車站錢萬里橋由工程處建築馬路車輛須向車站另捐執照交通不便先生商諸車站管理處收回車捐主權車輛得直達車站行旅感頌三十四年五月奉蘇松太道蔡乃煌巡警總辦汪瑞閣委辦開北勘界事兼巡警總局裁判遇有爭訟隨訊隨結案無留牘嗣又兼代巡警總局警保警法等科長經兩江總督端方江蘇巡撫陳啓泰奏保補缺後以直隸州用並加


運同銜宣統元年湖北籌辦賑捐案內加四級給從二品封典是年七月奉蘇松太道札委浦東總巡兼二路總巡官浦東地方遼闊向爲梟匪出沒之所盜案迭出先生蒞任首以清查客民爲務擬定辦法責成董保實力奉行每於深夜乘騎率巡士躬巡各鄉於是土客相安萑苻不作任事七月轄境晏如爛泥渡護塘溝爲全鎮水利所賴年久未濬水濁至不堪飲先生籌款開浚匝月竣工蘇撫於期滿甄別以守潔才長考列優等二年二月委署宜興縣知事前任以調查戶口愚民造謠滋事焚燬學堂十餘處先生至宜遍歷勸導未及三月學堂一律修復調查戶口事亦依限告成又擴充城市警察劃爲六區創辦和橋鎮警察捐廉整頓捕務緝獲太湖鉅盜多名民賴以安邑之臧村有郵塘橋間關係宜興荆溪金壇溧陽四縣水利金壇主張拆改爭執歷二年先生邀紳磋商至再得以解決三年三月署事期滿蘇藩司以先生辦事穩練調署繁缺無錫縣知事因病乞假歸民國三年經前農商部總長張謇保送第三屆免試知事奉部考詢核准籤分到省四年蘇省長令委覆查上寶兩縣烟苗及搜挖輔子事旋奉浙江財政廳長先後委任嚴東關硤石等統捐局局長五年期滿甄別蘇省長加饒有吏才攷語留省補用六年五月因病辭去

統捐局長回滬養病由是專意辦報不復出仕先生之爲本報總理始於光緒二十五年十月前後任事凡二十六年每有設施必殫精竭思弗得弗措及既得之則毅然進行不遺餘力生平治事多類此即其間服官在外館務由人代理仍遙爲策畫其辦報宗旨欲以翔實正確之記載和平穩健之議論指導國民故始終主張經濟獨立謂必如此乃可無所瞻徇而貫徹本旨中經無數困難先生堅持初旨不變卒成其志於是本報價值日重銷數增至十餘萬當歐戰時紙料來源頓缺供不應求先生日夜焦思苦心籌畫紙張得源源接濟四年中實爲最勞瘁之時代三年前北蘇州路某貨棧失慎焚去本報寄存之紙不少先生時適早餐聞訊驚急萬狀飲食爲之積滯胃病遂隱伏於中十二年十月先生摟小極然日仍到館治事如常嗣得氣喘失眠諸症醫謂平時用腦過度致心臟脹大根本受傷針藥均無效病日加劇以十三年十月初九日卒春秋五十有一先生狀貌魁偉體質強健逾恒一生心力耗於政治及公益事業者不少耗於報務者尤多得病之源大半由此甚至臥床不起病骨支離之際猶時以館事爲念遇同人問病輒與陳述時政比較得失討論立言紀事之旨寔竭不倦若忘其有病也者事親至孝先生先意承志友於

兄弟家庭之間怡怡如也待人接物誠懇異常有以急難商者無不酌量以應而於報館人才尤虛衷延訪汲引如恐不及甘君作霖於民國四年任本館譯員六年後即發狂疾孑然一身先生閱其貧病雖不任事月致薪水終其身並爲經營喪葬湘省通信員秦君民二之役陷於囹圄久乃得脫先生爲之贍其家屬贖省通信員涂君於民國十年以直言見忌被逮先生奔走營救歷數日始得出獄先生生長上海然於故鄉之事無不盡力任徽寧會館董事多所擘畫行誼篤厚多類此是以知先生者莫不以義俠稱之云

李壽熙曰世之從政者多矣達官貴人或且尸位素餐沈沈百僚下而視民如傷如先生者能有幾人世之治事者亦衆矣或輕視其職責漫不經意又或始勤終懈好惡不恒二十六年勞怨不辭如一日如先生者又有幾人篤實敦厚之風沈毅邁往之氣可謂不多觀矣先生性謙退嘗自謝學識不豐然觀其擘畫經營與近世新聞學家言若合符契接物待人誠直伉爽急友朋之難不減先民豪俠而非衣惡食不自求安又硜硜守吾儒淳樸之訓矣以視曲學阿世怡然自利與夫名重一時而措施乖牾者復何如嗚呼朋儕知己之感死別之戚人所同有時俗澆漓而遽殞

斯人使莠衆之屬失其模楷人之云亡邦國殄瘁斯所爲悲感於邑擲筆長歎者也



汪漢溪先生誄辭

海澄嶽峙言淵其衷夙嫻製錦棠陰歌功大府倚畀行部欽崇口碑載道餘韻流風揆張文字振
曠發蒙瞻言百里隱曜潛蹤方今多難正資清鐘倏歸兜率響絕空濛達人解脫風雨朦朧二方
競爽繼美九宗高文不朽昆道尙同

浙東盛炳紀竹書敬輓

漢溪汪先生誄詞

董南風邈疇飭大綱惟我汪君卓越尋常生而岐嶷長而剛方學有淵源業紹青緇綺年游宦
績著蟹筐連漕輸輓雲集椀檣誠心除暴萑苻潛藏泊夫作宰婉美龔黃烟清上寶嵯整越疆綜
理庶政青史有光歸來作賦頤養高堂解衣推食惠及梓鄉時艱蒿目直筆閑防爲民喉舌蹈厲
發揚無偏無黨譽滿華洋垂裕後昆蘭桂騰芳何期一日夢醒黃梁嗚呼滬雲黯黯淞水蒼蒼烏
啼夜月鶴唳晨霜思故人兮不見緬令德之孔長

中華民國十三年甲子十一月愚弟項世澄鞠躬敬撰

漢溪內兄抱病經年以南北睽隔未獲一視旋聞病有轉機漸就痊愈私衷竊慰方冀吉人天相可占勿藥乃者噩耗忽傳音塵頓杳隨懷曩昔不禁悲從中來爰製誄詞藉伸哀悼誄曰
懿歟先生詩禮傳家芹香早掇書讀五車學優而仕牛刀小試製錦多才鳴琴而治旋返滬濱主持新聞詞嚴義正指導斯民苦辛支持廿六寒暑銷數日增紙貴如許天胡不弔遽喪斯文上有慈母老淚繽紛哀音遠遠交游同悲矧在至戚痛更難支幸有後嗣克紹箕裘先生雖往典型尙留他鄉望祭涕淚交流

甲子仲冬程良模謹撰

汪公漢溪哀詞

馮炳南

五角六張之代千桑萬海之身人以瓌一字而爲榮事有曠百世而相感樂只父母不必登岷山而有墮淚之碑猶是人民無謂化令威而切歸來之痛生佛作頌奚止萬家吾舌尙存不懈一息此我 汪公漢溪先生神明公忠之故愷悌子惠之風慈悲了悟之因堅卓精勤之操足風於並世垂念於故交者有以也炳南身藏如海遂登元禮之門義重成雲常拜德公之杖感風塵有物色論交可謂忘年近蘭蕙者芳馨入室敢稱弟子而且伯雅季雅述世誼於崔駟吹塤吹篪和友聲於鳴鳥夙以知公之罄今乃怒心以哀其爲痛切奚翅山陽敢謝樽庸勿圖叔夜乎江海輻輳之庶人物冲融之沓所云事雜言龐螟螟蟬蟬者晚近以來莫三吳若而彌以滬壖一堵爲萃聚叢集之尤顧發摛據暢者亦在乎是我 公方雙鸞自綠一衿已青不卑小官納粟可得同是儒素畏冠誤人然回翔生小釣游之地沈沈百寮底而何妨習聞優游絃誦之聲莘莘諸學人而與共其時爲民喉舌若人胚胎寧馨之聲迴想如嬰語拳曲之狀茹苦如噤蟬是爲吾國報事出世之始乃新聞報者正舉其光大之業崛起於申浦 公爰以績學樸誠之望受識於福開森君

綜理其報事卅年電景一紙風行如日方中暨竿而衆企其正若水必赴漚流而派歸於一天將以爲木鐸警露乎九臯民枕倚於牆壁橫塵乎大路由是主江都正誼明道之旨達長卿沈博絕麗之辭伸春秋斧鉞華袞之嚴偉禮經定辭安民之略而新聞報者遂夔然峙立於春申報叢爲一不沫之盛業焉蓋微公力不及此中間風雨漂搖數經憂患江河淪下並待懷來往往以悲哀而爲主垂涕泣而道之不肯以扶搖九萬之風扇滑稽百一之誕不屑以二三其德之行負惻獨可哀之民凡此皆我公智盡能竭之所存而亦勞精敝思之攸在舉乎半生宦跡遺愛在人三字勵脩大德不德固爲家乘之光而非名山之業也抑我公市隱久矣國念深矣強而不仕忍浮湛官樣文章訓可在庭蚤成就兒曹事業炳南旣識謝家之寶樹飲穆氏之醇醪十載游從一言顧問其敢泛辭溢美張皇諛墓之文籛歌寫悲竊笑嘲車之諷耶用香翔塙之真言敬爲老成之型典詞曰

芝焚兮蕙歎松籟兮括慨立言兮不朽挺標兮流輩茶苦兮世何知棠甘兮民有愛春秋之志兮錄內雞鳴兮如晦如何蒼昊之冥冥兮憤憤奪我至人兮慧孳積憂兮成瘳儻猶時親兮馨歎謹

舉清酌兮一醉幸鑒茲兮沈瀟嗚呼

哀詞

張錫蕃

嗟乎人生世上如白駒過隙予於 漢溪先生之喪不禁潛焉出涕而生無窮之感愴焉溯新聞報創始於前清光緒癸巳迄今甲子不過三十又二年 先生之來任總理也自戊戌而予濫竽編輯部也自丁酉不過二十又七八年由今思昔電光石火祇一瞬耳然環顧館中此一瞬中孫君漱石翩然而去沈君仞千葉君吟石梅君幼泉先後同登鬼籙其先予而至同舟到今巋然猶存者除發行主任李翁君棧印刷部主任吳君銀海外更無第三人至若與 先生聯袂偕來者金君煦生則彈冠而出策名鄂垣譚君蓉圃則旋棄兔株一枝別借姚君伯欣黃君國英童君弼臣相繼作古人後至者如李君曉暎則春闈報捷遂入仕途聞數年前已赴修文他若文君公遠楊君千里郭君作楷皆脫穎而出地角天涯音塵久闊屋梁落月空繫寤思又如吳君叔子張君小吹周君夢熊則苔岑契合大都不過一二年惟張君繼齋相聚較久近年雖遠游京津然尙時時得一握手以上所舉人不滿二十而聚散無常死生異路瞬息變化有不可預料者而惟予於

先生追隨歷二十七年之久桃潭千尺如飲醇醪竊以爲假我數年長侍 先生左右豈不甚幸况乎予齒長 先生者七年頭童齒豁衰也已久而 先生則體素健碩似非病魔所能犯者惡知衰頹如予得倖存而健碩如 先生竟先朝露也夫浮生若夢爲歡幾何 先生於壯盛之時竭全神於館事夙夜皇皇無少暇豫今者基礎已固規模大備付託有人指揮較易正可優游歲月稍享清閒之福而蒼蒼者天竟不憖遺此老何其酷歟是則凡屬知交罔不同聲痛哭况予與 先生相處獨久乎行矣 先生仙凡永隔揮淚書此嗚呼曷盡

哭汪漢溪先生文

孫爾性

嗚呼年矢義暉逝不我與予之謬託相知於漢溪先生者忽忽十有六載矣憶予初服務於本館也先生年未強仕而彈冠志切亟欲出以展其才未數月即接篆宜興縣事河陽小試卓著政聲而於本館諸務未遑兼顧滿清末年箝制輿論政令綦嚴其時滬報皆黯然無色而本報銷數日僅萬餘紙旋值武漢起義海內騷然而先生適以任滿回滬見人心傾向於革命各報皆盡力鼓吹先生亦即專意整頓報務本報乃一躍而達四五萬紙由是而政改共和一十三年時局之變

化波譎雲詭幾無寧歲每出一大風潮先生必邀集同人圍坐而列議研究真正輿論之所在謂
凡事能順人心者存逆者亡報紙之欲立於不敗之地者亦然研究有得即確定爲持論之方針
閱者翕然故每一風潮之結果本報輒增銷數萬餘紙比年來之發達幾爲全國日報之冠而經
濟亦以漸裕然而先生尙銳進無已謂天下事不進則退况報紙之消長至速偶或錯失大有一
落千丈之懼而復夙夜徬徨時虞有不周之處殫精竭慮而先生之氣體已虧損於不覺矣去歲
冬間先生言常不適但尙以爲小極無害也入春後不復見先生到館詢諸伯奇世兄知醫生戒
勿用心將入醫院靜養予屢欲往候聞其見同人輒娓娓談報務不休因不敢以此驚擾之致碍
其調養之功自此而夏而秋今日問之則曰稍愈明日問之又云加劇延至陰歷十月初九日晚
予到館辦事入座見同人皆面有慘色問之則云刻接電話先生已作古矣嗚呼痛哉予於先生
之知不可謂不深交亦不可謂不久予長先生一歲近亦衰弱多病屢以弗勝任辭先生輒固挽
之謂館中當多聘數人以分勞予不敢負盛意乃復安 情摯誼篤古道照人是亦先生之不可
及處乃竟未與一訣別遺憾殊難釋然今先生去矣而先生之奕奕精神似尙充塞於館中各部

辦事處高樓深夜追想其治事精勤往來商榷之狀況不覺淚之潸潸下也今當靈輅將駕之日不盡其意之所欲言乃不復能與先生言矣嗚呼痛哉

哀汪漢溪先生文

史久潤

漢溪先生識見遠到才力超邁一手經理本報歷二十六年如一日日本報今日負海內外重望皆出先生努力經營旦夕不輟所致卒以積年辛勞抱恙數月與世長辭固不僅本報失一柱石亦中國少一人才此我所爲悲傷太息不能自己者也

我識先生於同事諸君子爲後其時蓋在民國六年之冬數年以來日親罄欵得略見先生爲人之大概嘗論先生爲人才大心細而德器渾厚故善於用人治事而人亦樂爲先生用事亦無所不成人有以先生方英之北巖者良由彼此志業相同魄力相副兩兩比較誠無遜色決非溢譽也且以中國情勢而論辦報之難有甚於英而先生夙夜勤勞卒底於成其事尤不易爲嘗聞人論北巖謂以斯人才德任辦何事無不可成其成功於新聞界者適然事耳我於先生蓋亦云然先生辦報約可分爲三大時期第一時期在歐戰以前第二期當歐戰之時第三時期爲歐戰之

後第一時期之事非我所得而述第二時期則爲新聞報關係最要之時當此之時我國報館無不受歐戰影響紙價昂貴告白缺少而銷數則日有增加因是收入支出不能相抵者比比皆是本館亦其一也當此數年之間國內國外變故迭生先生竭力支撐冒萬險經萬難使本報終得出人頭地其精神毅力概可想見第三時期當歐戰之後凡爾賽之和約甫成華盛頓之大會繼開先生目光遠大與時俱進對於報務着着爭先於改良內容延攬人才諸大端其致力之周用心之勤視前尤有甚焉先生每與我言輒曰昔日辦報譬如醫家之大方脈今日非內外男女兒孺諸科各擅其長不可言次又未嘗不致慨於中國人才消乏未能廣事搜攬爲本報用云

我與先生初不相識英人李德立主辦英商公會華文月報託人代覓善譯之士爲譯報上文字我適承其乏月報既出版先生見譯文而善之以示館中同人謂可以任本報之事然其時猶未知我爲何如人既而知之則不以年少無知而屏之使得濫竽於本報以至於今此雖小節未始不可見先生爲人之一斑癸亥歲除我因事至館維時報已停刊館員度歲返家館中闐無其人登樓則見先生尙據案檢閱書件情狀一與平日無異聞我至即復約談報務旁及時局良久方

已新歲以後先生即因病不常見人夏間往視先生之疾則已病莫能興未能把晤不數月而渺若山河矣除夕一面遂成隔世此豈當時所能逆料哉嗟嗟黃燴嘗醉羊鶴不舞聞鄰笛而放歌抱孤琴而絕鼓此則所爲俯仰今昔徘徊感傷者爾

哀漢溪先生文

朱耒

民國十一年春新聞報有經濟新聞之添設予於是時入館亦於是時識漢溪先生予初入館時每見先生早入夜歸以爲偶然歷時既久乃知先生之勤於治事固如此也先生之辦理新聞報也迄今二十有六年當其創辦之始民智未開交通不便新聞事業世人幾視之爲無足重輕而先生獨毅然爲之孤詣苦心慘澹經營新聞報之有今日實爲先生二十六年來精神之結晶有不可磨滅者也

壬戌之夏奉直戰爭初起先生輒與同人道其顛末論其成敗及事後追思無不一如其所述先生批評政治之眼光又如此也新聞事業之擘畫最難在經濟獨立亦唯經濟獨立之新聞紙始有獨立不磨之精神方得一般讀者之歡迎是以先生對於新聞之內容則力求充實消息之傳

遞則力求迅疾並順應社會之潮流以謀新聞事業之發展與不斷之改良於是推廣銷路吸收廣告而收入以增新聞報之經濟獨立爲先生最大之成功而先生每談及此輒引以稍稍自慰者也今先生遽歸道山曷勝悲悼又安能無一言以紀念先生雖然可朽者軀殼不朽者事業先生之事業可以不朽矣又何悲焉

哀汪君漢溪

張介石

中國人自維新以後舉國習於苟且安於惰媮士大夫大而對於天下國家小而對於一事一物求其稍有耶教徒之殉教精神者不可得有之其惟汪君漢溪之於新聞報乎往歲吾入新聞報日淺與汪君相處之日不深然無論盛夏嚴冬每日必見汪君巡視編輯印刷各處又聞館中老執事言蓋幾十年來無不如此館中各部事務無論巨細皆必躬親此其對內之勤勞也至其對外勤勞亦不稍減於是世人皆以爲辦報於租界內遠較各地爲自由殊不如租界內報紙自由僅以對內爲限若稍涉對外則不自由更遠較他地爲甚新聞報鑒於年來內外多事頗較他報爲能盡量直言然被當局注意亦較他報爲甚幸賴汪君多方斡旋得以無事此則對外之勤勞

也汪君在新聞報館中體魄之魁梧精神之豐饒皆爲同人冠吾嘗以爲汪君之壽亦必爲同人冠孰意同人固皆無恙而汪君已以內外積勞竟然長逝矣嗚呼若汪君者非所謂有殉教精神者乎遂書片言爲汪君弔

哀汪漢溪先生

王官鼎

余之識汪漢溪先生初由於丁恪敏之介紹庚申之春余入新聞報館佐譯務恪敏已遭狙擊逝世先生每與余談輒及此事爲之歎歎太息不已此可以見先生性情篤厚之一斑也余入本館時歐戰已平新聞報之業務已脫困難時期而入發展時期而先生之於館事仍孳孳然運籌諮訪求其改進擴展之方未嘗少懈聞之同人曰先生昔在報務困難之時亦持毅力以任之進展之計未因難而稍緩故卒能植立經濟獨立之基礎貫徹無黨無偏之精神而致本報日益發達嗟乎處困境不自餒處泰境不自滿才識又足以副之任天下事鮮不有濟豈獨主持一報已哉乃未及衰年遽棄斯世天之生才每靳其用惜哉新聞報成立今閱三十二年先生總其事者凡二十六年詩曰雖無老成人尙有典型後之服務於本館者其將永以先生爲典型已

哀汪漢溪先生

徐滄水

民國十年冬漢溪先生將於本報開經濟欄邀司其事其時記者久病未痊遲至翌年春始應先生之招兩年來因公晤談得以略窺先生之言行今先生作古同館諸君子備極哀悼將增刊以紀念先生同伸悲悼記者雖因病辭職不克報答先生知遇於萬一然昔遊歷歷舊事分明人生當此豈必待聞長笛而喚奈何鼓琵琶而傷永訣耶

先生之主持報務悉以讀者本位爲主旨誠以新聞紙本爲輿論機關而經營者及編輯者咸爲社會之公僕先生恒言報紙乃辦給公共看的非辦給自己看的此言乍聞之似甚平談及今而思之極有真理蓋以讀者爲本位則報紙應取客觀態度而不能以一己之主觀爲標準其材料報告之取捨言論主張之發揮始能以社會公衆爲本位庶幾爲代表輿論之健全機關此先生之懷抱也

先生之經營方針深得理財之真詮即當用之錢雖費萬錢而不惜其可省之錢雖一文亦不願虛擲故近年以還關於機器設備印刷改良稿費支給訪員增聘等事凡有益於報務先生均酌

量財力隨時推廣不稍吝惜至於紙屑廢鉛之微先生時時以愛惜物力爲言不願稍使濫耗而先生自奉甚薄其儉約以持己寬厚以待人尤足以風世也

年來本報事務日益繁忙如印刷工場之管理營業事項之支配以及來稿檢閱諸事先生善於以簡馭繁事必躬親簿必過目偶遇設施上有所欠缺必思有以矯正之務使妥帖安詳而後已故先生治事極勤而操勞殊甚其精力貫注用志不紛殊非常人所能及本報之能言論獨立超然於資金支配之外要以營業基礎確實始能保持經濟獨立咸爲先生二十六年來慘淡經營之心血然而先生苦矣何期天不假年竟因無從節勞而身殉耶

記者服膺先生而不可不紀以風當世者蓋經營事業之難莫過於報館尤莫難於中國今日之報館先生於經營方針以經濟獨立爲主旨於編輯方針以言論獨立爲主旨此二者雖係兩事實則非經濟獨立無以保持其言論之獨立不羈也先生主理報務視爲終身職業世人咸知先生爲辦報之成功者吾人當知今日本報之基礎固已趨於康莊坦途今雖先生不幸作古使後之人奉先生之言行爲圭臬俾盡先生未伸之壯志而發揚光大之則先生雖逝而其精神事業

固不朽也聞諸十年以前先生努力奮鬥其時辦報何等艱難先生不以處逆境而息於進取不以處困鄉而忽於改良先生持之以恆守之以專廿餘年苦心孤詣卒致本報趨於經濟獨立之順境世人固知先生爲辦報之成功者苟非先生之毅力精神又何克有成先生嘗言開辦之報館廿餘年來開開關關何止數十家此非先生故作豪語先生閱人成世此中苦況決非躬親其事者不能作此閱歷之談大凡辦一事業決非一躋而趨於順境淺嘗則止而氣餒以爲徒勞決不足以言辦報先生所以成功殆精力貫注打破難關而不爲逆境所囿歟

記者服務日淺先生之言行尙未克窺其萬一凡茲所陳殊有未盡回憶今夏記者因病辭職疏於問疾憾疚良深而先生病中猶時時見詢感何可言茲先生遽歸道山回憶年來先生之推誠相與勉掖有加今者聽鄰笛瀟清哭向西窗誰話舊然而不朽者事業永存者文字先生雖逝亦可以無憾矣

哀漢溪先生

陸待秋

先生先生學優才足異天不仁何奪之速哀不成語悲不能續寄懸靈右聊以當哭

